

深圳回憶

古水

癸巳年十月十五 / 2013-11-17

壬辰五月仲夏，余與同袍基于鵬城，未至桃仙而天光黯澹，雲雷大作，愆滯良久乃發，及至寶安且夜半矣。假榻老友，弛然入寐。

翌晨邀約二三子，觀遊市博物館。館陳琳瑯秩佈，珍瑋狎獵。館門設題字簿一，僉名其上。至亭午，餉粵饅，饌海錯，歡醇醪，飲瑤露，晏適和寧，怡豫不拘，信樂也。

讌畢偕登塘朗山採荔枝。塘朗地屬熱帶，北當海隅，炎燠雨沛，因是林密水長，其陽土人闢作荔枝林，以供遊人攀採。余等援莖陞木，攬條攀枝，類極猿獼，弗惟飽足之慾，體行而已。少焉汗洽禪衣，乃盤桓樹闕細徑，長竚而眺，攬海城之勝，即南風徐來，煩暑頓消。儕衆相羊山林，及莫載歸。

櫛沐既已，或有負笈法蘭西者，取干邑數餅，席地聚飲酣歌，醒醲相與枕膝而臥。天明酒解，興辭北歸。